



REPUBLIKA E SHQIPËRISË
BASHKIA TEPELENË
KËSHILLI BASHKIAK



Nr. 2211/6 prot.

Tepelenë, më 22.07.2026

V E N D I M

Nr. 55, datë 20.07.2026

“PËR

**MIRATIMIN E MASAVE ADMINISTRATIVE DHE NIVELIT TË GJOBAVE TË
APLIKUESHME NË TERRITORIN E BASHKISË TEPELENË”**

Në mbështetje të nenit 8, pika 2, nenit 9, pikat 1, nënpika 1.1, shkronja “b”, nenit 54, shkronja , “k”, nenit 55, pikat 3 dhe 6, të ligjit nr. 139/2015, “Për vetëqeverisjen vendore”, të ndryshuar, si edhe në vijim të relacionit të grupit të punës nr. 2211/4 prot, datë 13.07.2026, me propozim të kryetarit të Bashkisë, Këshilli Bashkiak,

V E N D O S I:

1. Miratim të masave administrative dhe nivelit të gjobave të aplikueshme në territorin e Bashkisë Tepelenë, sipas tekstit që i bashkëlidhet këtij vendimi dhe është pjesë përbërëse e tij.
2. Bashkia Tepelenë të ndjek procedurën sipas parashikimeve të këtij vendimi, si dhe nxjerrjen e çdo akti të nevojshëm për zbatimin e tij.
3. Ngarkohen kryetari i Bashkisë, Drejtoria e Ligjore dhe Shërbimet Organizative, Drejtoria e Zhvillimit Ekonomik dhe Menaxhimit Financiar, Policia Bashkiake, Drejtoria e Shërbimeve Publike, Inspektoriati Vendor i Mbrojtjes Territorit për zbatimin e këtij vendimi.

Ky vendim hyn në fuqi sipas përcaktimeve të nenit 55, pika 6, të ligjit nr. 139/2015, “Për vetëqeverisjen vendore”, të ndryshuar.



Sekretari i Këshillit Bashkiak

Valbona ÇELA

Miratuar me 12 (dymbëdhjetë) vota
Vota Pro 12 (dymbëdhjetë)vota
Vota Kundër 0
Vota Abstenim 0
Zbardhur më datë 22.07.2026

KRYETAR I KËSHILLIT BASHKIAK

ARBEN GUMENI

NË MUNGESË ME POROSI

N/KRYETAR MJAFTONI ZERAJ



KREU I DISPOZITA TË PËRGJITHSHME

Neni 1 Objekti dhe qëllimi

Ky vendim ka si synim përcaktimin e rregullave të përgjithshme dhe normative të sjelljes, si dhe standardeve të detyrueshme për t'u zbatuar nga çdo subjekt juridik dhe individ fizik që ushtrojnë aktivitetin e tyre apo që jetojnë në Bashkinë e Tepelenës.

Ky vendim përcakton kundërvajtjet administrative për shkelje që nuk janë të parashikuara si të tillë në ligje të veçanta dhe që kanë lidhje me fushat e veprimtarisë së Bashkisë Tepelenë në territorin administrativ të saj.

Ky vendim ka për qëllim përcaktimin e rregullave dhe procedurave për aplikimin e normave detyruese në fushën e sigurisë, qetësisë, moralit publik, mbrojtjes së mjedisit dhe hapësirës publike, si dhe procedurën e konstatimit të kundërvajtjes dhe vendosjes së sanksioneve administrative për to.

Neni 2 Baza ligjore

Ky vendim është hartuar bazuar në Ligjin nr. 8417, datë 21.10.1998 "Kushtetuta e Republikës së Shqipërisë", i ndryshuar; Ligjin nr. 44/2015 "Kodi i Procedurave Administrative i Republikës së Shqipërisë"; Ligjin nr. 139/2015 "Për vetëqeverisjen vendore", i ndryshuar; Ligjin nr. 10279, datë 20.05.2010 "Për kundërvajtjet administrative"; Ligjin nr. 68/2017 "Për financat vendore"; Ligjin nr. 89/2022 "Për Policinë Bashkiake"; Ligjin nr. 10431, datë 09.06.2011 "Për mbrojtjen e mjedisit", i ndryshuar; Ligjin nr. 9774, datë 12.07.2007 "Për vlerësimin dhe administrimin e zhurmës në mjedis", i ndryshuar; Ligjin nr. 8094, datë 21.03.1996 "Për largimin publik të mbeturinave"; Ligjin nr. 10463, datë 22.09.2011 "Për menaxhimin e integruar të mbetjeve", i ndryshuar; Ligjin nr. 10448, datë 14.07.2011 "Për lejet e mjedisit", i ndryshuar; Ligjin nr. 10465, datë 29.09.2011 "Për shërbimin veterinar të Republikës së Shqipërisë", i ndryshuar; Vendimin e Këshillit të Ministrave nr. 171, datë 27.03.2019 "Për miratimin e rregullores për kushtet dhe kriteret e ushtrimit të veprimtarisë së stacionit të plazhit", i ndryshuar; Vendimin e Këshillit të Ministrave nr. 402, datë 30.06.2021 "Për miratimin e katalogut të mbetjeve"; Vendimin e Këshillit të Ministrave nr. 686, datë 22.11.2017 "Për miratimin e rregulloreve të planifikimit të territorit"; Vendimin e Këshillit të Ministrave nr. 1096, datë 28.12.2015 "Për miratimin e rregullave, kushteve e procedurave për përdorimin dhe menaxhimin e hapësirës publike"; si dhe Vendimin e Këshillit të Ministrave nr. 447, datë 30.07.2021 "Për miratimin e rregullores tip të administrimit të bashkëpronësisë në ndërtesat e banimit".

Neni 3 Përkufizime

Në këtë vendim, termat e mëposhtëm kanë këto kuptime:

"Strukturë konstatuese" është çdo punonjës i strukturave të Policisë Bashkiake Tepelenë, i cili ka për detyrë funksionale konstatimin dhe dënimin e kundërvajtjeve administrative, sipas fushës së përgjegjësi që mbulon.

"Funksion i Bashkisë Tepelenë" është fusha e veprimtarisë për të cilën Bashkia si njësi e vetëqeverisjes vendore është përgjegjëse dhe ka kompetencën ligjore për ta ushtruar lirisht, tërësisht apo në një pjesë, në përputhje me ligjet dhe aktet nënligjore, sipas parashikimeve të Ligjit nr. 139/2015, përfshirë këtu lëshimin e lejeve, licencave dhe autorizimeve përkatëse.

"Bashkëjetesa shoqërore" është tërësia e normave që përcaktojnë sjelljen dhe marrëdhënien e individëve në shoqëri, me qëllim ruajtjen e ekuilibrave të bashkëjetesës, nëpërmjet zbatimit të rregullit social, mbrojtjes së lirive dhe të drejtave individuale, sigurisë së jetës dhe veprimtarive të përditshme ekonomike-shoqërore, përfshirë këtu edhe bashkëpronësinë në ndërtesat e banimit.

"Hapësirë publike dhe hapësira në bashkëpronësi" janë hapësirat si trotuare, rrugë, sheshe,

lulishte, parqe, shëtitore, sheshpushime shkalle në pallate, rrugëkalime e mjedise të tjera në përdorim publik, që janë të pacenueshme dhe nuk mund t'u ndryshohet destinacioni në shërbim të përdorimit publik, përveçse përmes dokumenteve të planifikimit të parashikuara nga ligji.

“Zhurmë” është çdo tingull i padëshiruar apo i dëmshëm, i lëshuar nga veprimtaria njerëzore, përfshirë zhurmën e lëshuar nga mjete të ndryshme.

“Veprim” është çdo veprim i caktuar i natyrës tregtare, ekonomike, profesionale apo çdo veprim tjetër i ngjashëm, apo sjellja e natyrës vetjake e çdo individit/qytetari, i cili kryhet gjatë ushtrimit të një veprimtarie, që licençohet apo jo, ose gjatë përdorimit të një mjedisi publik, që i nënshtrohet apo jo pajisjes me leje.

“Licencë, leje, autorizim” është akti administrativ që i njeh çdo subjekti apo individ të drejtën të fillojë e të ushtrojë tipin e veprimtarisë, të drejtën të kryejë një apo disa veprime në përputhje me kushtet e përcaktuara në të.

“Sanksionet administrative” janë akte administrative që lëshohen ndaj subjekteve nga strukturat konstatuese si rrjedhojë e shkeljeve administrative të konstatuara.

Neni 4 Parimet bazë

Parimet themelore në bazë të cilave udhëhiqet Bashkia e Tepelenës dhe çdo strukturë e saj në veprimtarinë e tyre janë:

- Ligjshmëria;
- Mosdiskriminimi;
- Mbrojtja e të dhënave personale;
- Paanshmëria dhe parimi i drejtësisë;
- Mbrojtja, garantimi i interesit publik dhe jetës e shëndetit të qytetarëve;
- Kontrolli dhe llogaridhënia.

Ushtrimi i një veprimtarie apo kryerja e një veprimi të caktuar në territorin e Bashkisë së Tepelenës, përfshirë këtu miratimet apo autorizimet përkatëse, bëhet vetëm nëse:

Ushtrimi i veprimtarisë apo kryerja e veprimit në mënyrë të parregullt nuk cenon ose nuk mund të cenojë jetën, shëndetin, të drejtat e interesat e ligjshëm të shtetasve, sigurinë e rendin publik, një të mirë publike, objektivat sociale dhe çdo interes tjetër publik dhe qytetar të kësaj natyre.

Neni 5

Misioni dhe detyrat e strukturës konstatuese

Policia Bashkiake Tepelenë, si strukturë në varësi të Bashkisë së Tepelenës, në përmbushje të misionit dhe sipas fushës së kompetencave të saj ka si mision ruajtjen dhe garantimin e zbatimit të akteve ligjore dhe nënligjore nga kryerja e veprimeve dhe/ose mosveprimeve të kundërligjshme në fushën e infrastrukturës, shërbimeve publike, shërbimeve sociale, kulturës, sportit dhe shërbimeve argëtuese, mbrojtjes së mjedisit, hapësirës publike, si dhe në fushën e zhvillimit ekonomik vendor dhe sigurisë publike.

Policia Bashkiake Tepelenë ka si detyrë të monitorojë, kontrollojë e të marrë masat në përputhje me dispozitat ligjore në fuqi për zbatimin e rregulloreve, urdhrave e udhëzimeve të miratuara nga Këshilli Bashkiak apo Kryetari i Bashkisë, për probleme që lidhen me zbatimin e këtij vendimi apo përmbushjen e funksioneve të Bashkisë Tepelenë si njësi e vetëqeverisjes vendore.

Neni 6

Bashkëveprimi me strukturat e tjera

Në përmbushje të misionit dhe realizimit të detyrave, Policia Bashkiake Tepelenë sipas rastit dhe nevojës bashkëpunon dhe bashkëvepron me strukturat e tjera në varësi të Bashkisë Tepelenë dhe

institucionet e tjera shtetërore.

KREU II KUNDËRVAJTJET ADMINISTRATIVE

Neni 7

Veprimtaria e lejuar në territorin e Bashkisë Tepelenë

Në territorin e Bashkisë Tepelenë, përfshirë këtu hapësirat publike dhe ato private, lejohen të kryhen vetëm aktivitete dhe veprimtari që janë në përputhje me qëllimin e kryerjes së tyre, duke respektuar funksionin, kushtet e përdorimit dhe shërbimet e lejuara, sipas dispozitave ligjore në fuqi dhe të përcaktuara e të rregulluara në aktet administrative dhe normative të nxjerra nga Bashkia Tepelenë apo strukturat përgjegjëse të saj, nëpërmjet lëshimit të lejeve, autorizimeve dhe miratimeve përkatëse nga këto të fundit.

Çdo veprimtari apo aktivitet që ushtrohet në territorin e Bashkisë Tepelenë duhet të pajiset me lejet dhe autorizimet përkatëse të lëshuara nga ky institucion.

Pavarësisht lejeve dhe autorizimeve të lëshuara nga entet publike shtetërore sipas fushës së kompetencave të tyre, çdo veprimtari apo aktivitet që zhvillohet apo synohet në kundërshtim me këtë vendim, kriteret dhe rregullat e përcaktuara nga Bashkia e Tepelenës, dënohet administrativisht dhe merren masa deri në mbylljen e aktivitetit që ushtrohet.

Neni 8

Zënia në kundërshtim me rregullat e hapësirës publike dhe shkeljet në fushën e sigurisë:

A. Rregullat e hapësisirës publike

1. Ndalohet zënia e hapësirës publike dhe hapësirave mbi apo nën të, në territorin e Bashkisë së Tepelenës, qoftë edhe përkohësisht, me çfarëdo lloj sendi apo objekti pa lejen apo autorizimin e Bashkisë apo strukturës përgjegjëse për mirëmbajtjen dhe menaxhimin e tyre.
2. Zënia e hapësirës publike, veprimi apo mosveprimi në kundërshtim me normat detyruese dhe rregullat e miratuara nga Bashkia e Tepelenës dhe legjislacioni në fuqi, kur nuk përbën vepër penale, përbën kundërvajtje administrative dhe dënohet sipas këtij vendimi, bazuar në aktet ligjore dhe nënligjore për kundërvajtjet administrative.
3. Në rastin e zënies së hapësirës publike në kundërshtim me rregullat e vendosura nga Bashkia e Tepelenës apo në rastet kur subjekti e ushtron ose zhvillon aktivitetin në këto hapësira publike pa lejen përkatëse, strukturat konstatuese veprojnë në përputhje me sanksionet administrative të parashikuara në këtë vendim.
4. Në rastin kur subjekti kundërvajtës rezulton se është i padënuar administrativisht për shkeljen e konstatuar, atëherë struktura konstatuese vepron duke vendosur fillimisht dënimin administrativ "Paralajmërim me shkrim".
5. Në rastin kur subjekti vijon të kryejë aktivitetin apo rezulton të jetë përsëritës i të njëjtës shkelje administrative, struktura konstatuese vendos dënim me gjobë, duke mbajtur në konsideratë rrethanat lehtësuese dhe rënduese, sipas parashikimeve të këtij vendimi.
6. Subjekti ambulant i cili refuzon të identifikohet apo në rastet kur struktura konstatuese e ka të vështirë e të pamundur identifikimin e tij, ka të drejtë të kërkojë ndihmën e Policisë së Shtetit për kryerjen e kontrollit të identitetit të personit që ka kryer kundërvajtjen administrative.
7. Në rastin e kundërvajtësit, identifikimi i të cilit nuk mund të vërtetohet me anë të dokumenteve identifikuese, Policia Bashkiake Tepelenë liron hapësirën publike dhe vendos e pasqyron në procesverbal bllokimin e mallit dhe ruajtjen e tij për një afat kohor

- prej 24 orësh nga momenti i konstatimit të kundërvajtjes administrative.
8. Me paraqitjen e dokumenteve identifikuese dhe kryerjen e procedurës përkatëse administrative, Policia Bashkiake Tepelenë, nëpërmjet mbajtjes së procesverbalit përkatës, bën zhbllokimin dhe ia dorëzon mallin e bllokuar subjektit kundërvajtës.
 9. Pas kalimit të afatit prej 24 orësh, Policia Bashkiake Tepelenë, me urdhër të Kryeinspektorit, ngre një komision të përbërë prej jo më pak se tre punonjësish për asgjësimin e mallit të bllokuar. Çdo veprim i komisionit dokumentohet me procesverbalin përkatës të asgjësimit. E njëjta procedurë ndiqet nga Policia Bashkiake Tepelenë edhe në rastin kur kundërvajtësi është i identifikueshëm, por e ushtron aktivitetin dhe zënien e hapësirës publike në mënyrë të paautorizuar nga strukturat përkatëse.

B. Rregullat në fushën e sigurisë publike:

1. Zënia e trotuareve, rrugës dhe rrugëkalimeve që pengojnë lëvizjen për njerëzit dhe automjetet, pa miratimin e strukturës përgjegjëse;
2. Hedhja e objekteve dhe sendeve të forta që pengojnë zhvillimin normal të veprimtarive social-kulturore, rekreative apo promovuese që zhvillohen në hapësirat publike;
3. Përdorimi i banderolave dhe thirrjeve me përmbajtje fyese apo denigruese gjatë zhvillimit të aktiviteteve apo veprimtarive sportive, kulturore, fetare, artistike, etj.
4. Braktisja e automjeteve ose e sendeve të tjera në rrugë, mjedise publike apo ambiente të përbashkëta;
5. Cenimi nëpërmjet bërjes së grafitëve ose shkrimeve, ndotjes me substanca të ndryshme apo me gërvishtjen e ndërtesave private e publike apo objekteve të tjera publike, përveç rasteve kur kryhet në kuadër të veprimtarive artistike dhe me miratimin e strukturës përgjegjëse;
6. Vendosja me ngjitje, kapsim apo çdo mënyrë tjetër, e afisheve ose postereve të ndryshme në ndërtesat private e publike apo në objekte të tjera publike, pa miratimin e strukturës përgjegjëse;
7. Kryerja e veprimeve apo mosveprimeve që vënë në rrezik jetën, shëndetin apo pronën e të tjerëve përmes vendosjes pa masa sigurie të vazove të luleve apo çdo sendi tjetër në parvazet e dritareve, ballkoneve, në tarraca apo në çdo pjesë tjetër të mjediseve publike, të përbashkëta apo private;
8. Përdorimi i lëndëve piroteknike apo fishekzjarrëve në çdo mënyrë që vë në rrezik shëndetin, jetën, pronën apo ambientin, në kundërshtim me legjislacionin për përdorimin e tyre;
9. Lëvizja e automjeteve në orët dhe vendet e rezervuara për këmbësorët;
10. Zënia e vendparkimit të dedikuar për persona me aftësi të kufizuara, për automjetet taksi si dhe automjete të tjera të shërbimit publik;
11. Dëmtimi i mjediseve publike apo të përbashkëta, duke mos u ndalur vetëm në: shkallët e fasadat e pallateve, lulishteve, stolave, shatërvanëve, monumenteve, statujave dhe këndeve të lojërave;
12. Vendosja e pengesave të çfarëdo lloji për kufizim shpejtësie të lëvizjes të automjeteve si dhe ndërtimi i objekteve përkujtimore përgjatë rrugës, pa miratimin e organit përgjegjës publik;
13. Kryerja e çfarëdo veprimtarie në afërsi dhe pranë rrugëve që rrezikon sigurinë rrugore, jashtë normave të sigurisë të përcaktuara nga Kodi Rrugor dhe pa miratimin e organit përgjegjës publik;
14. Zënia e vendparkimeve publike dhe vendeve ku lejohet parkimi në hapësirat pranë blloqeve të banesave me automjete me qëllim ekspozimin/tregtimin e tyre apo qëllime të tjera biznesi;
15. Qarkullimi me mjete motorike ose biçikleta në shëtitore, parqe apo vende pushimi për

qytetarët në orët e ndaluara sipas rregullave të përcaktuara nga Bashkia e Tepelenës dhe strukturat përgjegjëse të saj.

Neni 9

Kundërvajtjet administrative në fushën e qetësisë publike dhe normave detyruese të bashkëjetesës

1. Për atë që nuk përbëjnë veprë penale, përbëjnë kundërvajtje administrative në fushën e qetësisë publike dhe normave detyruese të bashkëjetesës, këto veprime:
2. Shkaktimi i zhurmave shqetësuese në mjediset publike nga muzika në bar-kafe, restorant dhe/ose lokale të tjera shërbimi, jashtë orareve dhe nivelit të përcaktuar nga lejet përkatëse dhe legjislacioni në fuqi;
3. Shkaktimi i zhurmave shqetësuese të çfarëdo lloji në ambientet e përbashkëta të banimit; Shkaktimi i zhurmave shqetësuese në zonat e banuara nëpërmjet borive apo muzikës së lartë të kasetofonëve në makina;
4. Shkaktimi i zhurmave shqetësuese nga punimet/ndërtimet në mjediset publike dhe private, të kryera jashtë orareve të përcaktuara nga rregullat e fqinjësisë së mirë apo pa miratimin e organit përgjegjës publik;
5. Djegia e mbeturinave apo ndezja e zjarreve në zonat e banuara, përgjatë vijës lumore/bregdetare, lulishte apo parqe në vende të papërcaktuara për këtë qëllim dhe pa lejen e strukturave përgjegjëse;
6. Përdorimi i materialeve apo sendeve të ndryshme imituese, tymuese, ose rrezeve laser në ambiente të hapura dhe të mbyllura publike;
7. Lëvizja e kafshëve në mjedise publike në qendrat urbane, parqe, plazhe, lulishte, në vende të pamiratuara për këtë qëllim nga organi publik përgjegjës.

Neni 10

Kundërvajtjet administrative në fushën e menaxhimit të mbetjeve dhe mjedisit

A. Për atë që nuk përbëjnë veprë penale, përbëjnë kundërvajtje administrative në fushën e menaxhimit të mbetjeve dhe mbrojtjes së mjedisit urban, këto veprime:

1. Kryerja e selektimit manual, kërkimit apo marrjes së mbetjeve të dorëzuara në kontejnerë, koshave etj., nga persona të paautorizuar;
2. Ndryshimi arbitrar i Vendgrumbullimit të Mbetjeve (VGM), i kontejnerëve, i pikave të koshave dhe stacioneve të betonuara për hedhjen dhe dorëzimin e mbeturinave të përcaktuara nga Bashkia;
3. Hedhja, mbledhja dhe grumbullimi i materialeve, hekurishteve apo çdo lloj mbetjeje tjetër të riciklueshme ose jo, në territore/hapësira publike apo dhe ambiente private që nuk janë miratuar nga Bashkia e Tepelenës për këtë qëllim.
4. Zhvillimi i aktivitetit dhe ushtrimi i tij pa infrastrukturën e duhur, për të gjitha veprimtaritë që për shkak të natyrës së tyre përdorin vazhdimisht gjeneratorë/ventilatorë apo çdo pajisje që shkakton ndotje akustike, nëpërmjet lëshimit të zhurmës në mjediset dhe zonat e banuara, si: Furrat e prodhimit të bukës; Gatimi dhe tregtimi i produkteve ushqimore të gatshme dhe gjysmë të gatshme; Baret, restorantet e lokaliteteve natës; Dyqanet/vendet e tregtimit të kafshëve/shpendëve shtëpiakë, të shoqërimit dhe të luksit; Gomisteritë, lavazhet apo serviset që riparojnë mjete.

B. Shkeljet e kryera në fushën e ndërtimit dhe të veprimtarive në funksion të saj, të shkaktuara nga subjektet ndërtuese/investitorë, për kryerjen e veprimeve të mëposhtme:

1. Ndotja e hapësirës publike nga gommat dhe pajisjet e automjeteve të tipeve dhe tonazheve të

- ndryshme, të cilat dalin nga kantieri i ndërtimit pa marrë masat për pastrimin e tyre;
2. Ndotja e hapësirës publike jashtë rrethimit të kantierit të ndërtimit, nga inerte apo materiale të tjera ndërtimore;
3. Krijimi i ndotjeve të hapësirave publike gjatë transportimit, për rastet kur kamionët të cilët transportojnë materiale ndërtimore nuk janë të mbuluar.

Neni 11

Kundërvajtjet administrative në fushën e infrastrukturës publike për aq sa nuk përbëjnë vepër penale, përbëjnë kundërvajtje administrative në fushën e infrastrukturës publike, këto veprime:

1. Ndërhyrje në rrjetin rrugor, si:

- Dëmtim, çarje dhe bllokim rruge;
- Dëmtim bordure (ndryshim pozicioni fillestar, thyerje, shpërngulje e.t.j
- Dëmtim, bllokim pusete, kunete, vjedhje kapaku/zgarë pusete.
- Dëmtim trotuari (heqje pllakash, vendosje pusete, vende tendash, vendosje mjete promociionale e.t.j)
- Bllokim rruge (me inerte, materiale të ngurta, mjete promociionale, konë parkimi apo sende të tjera e.t.j

Ndotje të rrugëve nga mjetet e transportit për punime në qytet :

- persona juridikë
- persona fizikë
- qytetarë

2. Ndërhyrje në rrjetin elektrik rrugor dhe rrjetin e telefonisë, si:

- Lidhjet e pamiratuara në kandelabrat apo rrjetin ajror;
- Dëmtimi i shtyllave apo ndriçuesve;
- Përdorimi i shtyllave si suport mbajtës/mbështetës për montimin e reklamave, kapjen e kabllave elektrikë, telefonik, internetit, etj.
- Dëmtimi i traseve kabllore e linjave ajrore nga punimet që kryhen pranë tyre me ose pa leje, si dhe shkulja e shtyllave.

3. Ndërhyrjet në rrjetin ujësjellës, si:

- Lidhjet e pamiratuara në tubacion;
- Dëmtimi i pusetave;
- Dëmtimi i tubacioneve nga punimet që kryhen pranë tyre, me ose pa leje.

4. Ndërhyrjet në hapësirat publike dhe të gjelbër, si:

- a. Dëmtim i hapësirave publike të gjelbërta
- b. Dëmtim, prerje, krasitje e pemëve
- c. Zënie e hapësirës të gjelbër (tavolina, promociione e.t.j)
- d. Vendosje tabelash, pankartash, banderolash në pemet dekorative
- e. Vendosje posterash, njoftimesh në pemet dekorative
- f. Mos ndërtimi i bazamenteve të kontenierëve të mbetjeve urbane të subjekteve të ndërtimit për objektet mbi 5 kate. Si edhe çdo veprim apo mosveprim tjetër i cilësuar si kundërvajtje administrative, të miratuar nga këshilli bashkiak ose kryetari i Bashkisë së Tepelenës.

Neni 12

Kundërvajtje administrative për kryerjen e aktivitetit tregëtar pa liçensë, autorizim apo leje përkatëse të jetë si më poshtë :

- a. Mospajisja me liçensë, autorizim apo çertifikatë përkatëse transporti :
- transport udhëtarësh taksi (1+4)
 - transport udhëtarësh taksi (1+8)
- mjete të tonazhit të lartë
- hyrja pa autorizim në rrugët e qytetit për mjetet e tonazhit të mesëm dhe të lartë
 - hyrja pa autorizim në rrugët e zonave historike qytetit për mjetet e tonazhit të mesëm dhe të lartë
- b. Mospajisje me liçensë për tregëtimin me pakicë të karburanteve dhe njësive të shitjes së lëndëve djegëse
- c. Mospajisje me leje për tregëti ambulante, kantinë
- d. Mospajisje me leje për shërbim me tavolina jashtë Lokalit
- e. Mospajisje me leje për ushtrim aktiviteti "24 orësh"
- f. Mospajisje me leje për zenie të hapësirës publike • veprimtarive të cilat do të zhvillohen në hapësirat publike
- g. Mospajisje me leje për vendosje reklame :
- e thjeshtë
 - elektronike

Neni 12/1

Kundërvajtje administrative nga pronarët/kujdestarët, në fushën e zbatimit të normave detyruese të sjelljes së kafshëve/shpendëve, në njësitë individuale të banimit, ambientet në bashkëpronësi dhe hapësirat publike.

Në fushën e zbatimit të normave detyruese të sjelljes së kafshëve/shpendëve, në njësitë individuale të banimit, ambientet në bashkëpronësi dhe hapësirat publike, këto veprime:

- a. Për mishin e therur të tregëtuar të pa çertifikuar nga Inspektoriati Veterinar
- Mbajtja e kafshëve të prodhimit brenda territorit të qytetit Tepelene (Bashkisë.
- c. Në rast të mosmarrjes së masave për izolimin kafshëve të luksit
- d. Në rast të mbajtjes së bletëve, lepujve, shpendëve (pula, pata, pëllumba, e.t.j të ngjashme me to) në ambientet e banesave kolektive apo banesave individuale brenda territorit të Njësisë Administrative Tepelene qytetit Tepelene
- e. Në rast të konstatimit të tregëtimit të kafshëve të prodhimit jashtë tregjeve të miratuara nga Bashkia Tepelene.
- ë. Në rast të konstatimit të therjeve të kafshëve të prodhimit jashtë vendeve të përcaktuara nga Bashkia Tepelene

Për aq sa nuk përbëjnë vepër penale, përbëjnë kundërvajtje administrative nga pronarët/kujdestarët në fushën e zbatimit të normave detyruese të sjelljes së kafshëve/shpendëve, në njësitë individuale të banimit, ambientet në bashkëpronësi dhe hapësirat publike, këto veprime:

Qeni duhet të mbahet nga pronari/kujdestari, me rrip jo më të gjatë se 1.5 (një pikë pesë) metra. Të vendosin maskat mbrojtëse për qentë e racave të rrezikshme: spic, hasky, rotvailer, pitbull, doberman, qeni i sharrit, pastor, kangalli turk, bokser.

Të shmangin ndotjen e ambienteve të përbashkëta, në bashkëpronësi dhe hapësirave publike nga kafshët/ shpendët e tyre, dhe në rast ndotje, të pastrojnë ambientin pas defektimit.

Të kryejnë vaksinimin e detyrueshëm vjetor kundër tërbimit.

Të vaksojnë dhe kontrollojnë pranë mjekut të klinikës veterinare, kafshët/shpendët e shoqërimit dhe ato të luksit.

Të respektojnë mirëqenien e kafshëve/shpendëve të tyre.

Ndalohet kategorikisht, mbajtja në errësirë të plotë, të përhershme dhe/ose të lidhur gjatë gjithë kohës i kafshëve/shpendëve shtëpiake, të shoqërimit dhe të luksit.

Personat, të cilët mbajnë kafshë/shpendë shtëpiake, të shoqërimit apo të luksit, në banesa individuale apo në bashkëpronësi në zona të urbanizuara, janë të detyruar të mos lejojnë që ato të kryejnë ndotje dhe të shkaktojnë zhurma, duke u bërë shqetësim për pjesëtarët e tjerë të komunitetit, duke cenuar gëzimin e qetë të pronës së tyre.

Mbajtja dhe/ose rritja e kafshëve, bagëtie ose shpendëve të çdo lloji, pavarësisht numrit është e ndaluar brenda të gjitha njësive të banimit ose pronës së përbashkët.

Mbajtja apo qarkullimi i kafshëve blegtorale jo shtëpiake, në mjedise publike të qendrave urbane si: kuaj, lopë, dhen, dhi, derra, shpendë (pula) etj;

Ndërsen kafshët kundër njëra – tjetrës ose përdor kafshën për luftime a shfaqje, që shkaktojnë dhimbje, dëmtime, plagosje ose ngordhjen e tyre.

Si edhe çdo veprim apo mosveprim tjetër i cilësuar si kundërvajtje administrative, parashikuar në aktet nënligjore/normative të miratuar nga këshillit bashkiak ose kryetari i Bashkisë së Tepelenës.

Neni 13

Masat parandaluese për kundërvajtjet administrative

Përveç sanksionit administrativ të vendosur nga strukturat konstatuese për secilën nga kundërvajtjet e parashikuara në këtë vendim, kundërvajtësit i nënshtrohen edhe konfiskimit të sendeve/mallrave që kanë shërbyer apo që ishin caktuar për të shërbyer si mjete për kryerjen e kundërvajtjes administrative të parashikuara në këtë vendim.

KREU III

SANKSIONET ADMINISTRATIVE DHE MËNYRA E CAKTIMIT TË TYRE

Neni 14

Sanksionet/Aktet administrative

Sanksionet/Aktet administrative për kundërvajtjet e parashikuara në këtë vendim janë:

Paralajmërimi me shkrim/Akt Konstatimi;

Proces verbal për kundërvajtjet administrative, ku sanksionohet masa e gjobës.

Sanksioni “paralajmërim me shkrim” është akti i konstatimit është akt administrativ që ka për qëllim këshillimin, paralajmërimin dhe lënien e detyrës për kundërvajtësit, që jepet për një shkelje të një rëndësie të vogël dhe/apo kur ekzistojnë rrethanat lehtësuese.

Në rast përsëritjeje të kryerjes të së njëjtës kundërvajtje apo të një kundërvajtje administrative tjetër sipas këtij vendimi apo legjislacionit në fuqi, jepet sanksioni administrativ me gjobë.

Neni 15

Masa e gjobës për kundërvajtjet administrative kundër rregullave të bashkëjetesës shoqërore

Për kundërvajtjet në fushën sigurisë dhe rregullave të hapësirës publike dhe fushën e sigurisë të parashikuara në nenin 7 dhe nenin 8, Policia Bashkiake vendos gjobë nga 1 000 (një mijë) deri në 20 000 (njëzetmijë) lekë.

Për kundërvajtjet të parashikuara në nenin 9, Policia Bashkiake vendos gjobë nga 1 000 (një mijë) deri në 10 000 (dhjetë mijë) lekë.

Për kundërvajtjet të parashikuara në nenin 10, Policia Bashkiake vendos gjobë nga 2 000 (dy mijë) deri në 10 000 (dhjetë mijë) lekë.

Për kundërvajtjet administrative në fushën e mjedisit dhe menaxhimit të mbetjeve Policia Bashkiake Tepelenë, do të vendosë gjobë:

Në masën 5 000 (pesë mijë) lekë, për konstatimet e parashikuara në pikën 1 të nenit 11 dhe për çdo rast të përsëritur kjo masë do të dyfishohet deri në vlerën maksimale prej 20 000 (njëzet mijë) lekë;

Në masën 20 000 (njëzet mijë) lekë, për konstatim të shkeljeve të parashikuara në pikën 2 të nenit 11;

Në masën 20 000 (njëzet mijë) lekë, për konstatim të shkeljeve të parashikuara në pikën 3 të nenit 11.

Për kundërvajtjet administrative në fushën e infrastrukturës publike, Policia Bashkiake Tepelenë vendos gjobë:

Në masën 10 000 (dhjetë mijë) lekë, për konstatimet e parashikuara në pikën 1 të nenit 11

Në masën 20 000 (njëzet mijë) lekë, për konstatimet e parashikuara në pikat 2, 3 dhe 4 të nenit 11.

Për kundërvajtje administrative nga pronarët/kujdestarët, në fushën e zbatimit të normave detyruese të sjelljes së kafshëve/shpendëve, në njësitë individuale të banimit, ambientet në bashkëpronësi dhe hapësirat publike, Policia Bashkiake Tepelenë, do të vendosë gjobë:

Në masën 1 000 (një mijë) lekë, për konstatimet e parashikuara në shkronjën "a" të pikës 1 të nenit 12/1, masë e cila dyfishohet në rast të përsëritjes së shkeljes brenda një periudhe 3 (tre) mujore nga pronari/kujdestari i kafshëve/ shpendëve;

Në masën 10 000 (dhjetë mijë) lekë, për konstatimet e parashikuara në shkronjën "b" të pikës 1 të nenit 12/1, masë e cila do të jetë e dyfishuar në rast të përsëritjes së shkeljes nga pronari/kujdestari i kafshëve/shpendëve;

Për kundërvajtjet administrative në kryerjen e aktivitetit tregëtar pa licensë, autorizim apo leje përkatëse të tregëtarisë :

a. Mospajisja me licensë, autorizim apo certifikatë përkatëse transporti : ☐ transport udhëtarësh taksi (1+4) ☐ transport udhëtarësh taksi (1+8) ☐ mjete të tonazhit të lartë ☐ hyrja pa autorizim në rrugët e qytetit për mjetet e tonazhit të mesëm dhe të lartë ☐ hyrja pa autorizim në rrugët e zonave historike qytetit për mjetet e tonazhit të mesëm dhe të lartë	10 000 lekë 15 000 lekë 20 000 lekë 15 000 lekë 20 000 lekë
b. Mospajisje me licensë për tregëtimin me pakicë të karburanteve dhe njësitë të shitjes së lëndëve djegëse	20 000 lekë
c. Mospajisje me leje për tregëti ambulante, kantinë	1 000 deri 5 000 lekë
d. Mospajisje me leje për shërbim me tavolina jashtë Lokalit	20 000 lekë
e. Mospajisje me leje për ushtrim aktiviteti "24 orësh"	20 000 lekë
f. Mospajisje me leje për zenie të hapësirës publike ☐ veprimtarive të cilat do të zhvillohen në hapësirat	5 000 deri 10 000 lekë

publike	
g. Mospajisje me leje për vendosje reklame : ☐ e thjeshtë ☐ elektronike	20.000 leke
h. Mosmarrja e masave për izolimin e ambjentit për daljen e zhurmave nga ambjentet e lokaleve	20 000 lekë

Neni 16

Rrethanat lehtësuese

Lehtësojnë sanksionin administrativ këto rrethana:

- kundërvajtësi shpreh pendesë për veprimin e kryer;
- kundërvajtësi ka eliminuar vullnetarisht pasojat e ardhura nga shkelja e kryer, ka kompensuar humbjen ose eliminuar dënimin e kryer;
- kundërvajtja është kryer për shkak të rrethanave të rënda personale ose familjare;
- kundërvajtja është kryer nga një grua shtatzënë.

Kur konstatohet se kundërvajtja administrative është kryer në rrethanat e përcaktuara në pikën 1 të këtij neni, jepet dënimi administrativ me paralajmërim ose dënimi administrativ në minimum të masës së gjobës së parashikuar për atë kundërvajtje.

Neni 17

Rrethanat rënduese

Rëndojnë sanksionin administrativ këto rrethanat:

- kundërvajtësi vazhdon veprimtarinë e paligjshme edhe mbas kërkesës për ta ndërprerë atë;
- kundërvajtja është kryer nga më shumë se një individ apo grup individësh;
- kundërvajtja është kryer gjatë një fatkeqësie natyrore ose rrethanave të tjera të gjendjes së jashtëzakonshme;
- kundërvajtja është kryer nën ndikimin e pijeve alkoolike, narkotike apo psikotrope.

Kur konstatohet se kundërvajtja administrative është kryer në rrethanat e përcaktuara në pikën 1 të këtij neni, jepet dënimi me gjobë në një masë afër nivelit maksimal të masës së gjobës së parashikuar për atë kundërvajtje.

KREU IV

KOMPETENCA DHE PROCEDURA E KONSTATIMIT DHE SHQYRTIMIT TË KUNDËRVAJTJEVE ADMINISTRATIVE DHE ZBATIMI I TYRE

Neni 18

Kompetenca për konstatimin dhe shqyrtimin e kundërvajtjeve administrative kundër rregullave të bashkëjetesës shoqërore.

Strukturat konstatuese janë përgjegjëse për konstatimin dhe shqyrtimin e të gjitha kundërvajtjeve të parashikuara në këtë vendim, si edhe të çdo shkeljeje tjetër të përcaktuar nga këshilli bashkiak i Tepelenës apo kryetari i Bashkisë së Tepelenës. Kundërvajtjet administrative, sipas këtij vendimi, konstatohen dhe shqyrtohen gjatë veprimtarisë rutinë të ushtrimit të veprimtarisë së tyre ose sipas sinjalizimeve apo ankimeve të individëve dhe qytetarëve të ndryshëm. Gjatë procedurës për konstatimin dhe shqyrtimin e një kundërvajtje administrative, strukturat konstatuese të Bashkisë së

Tepelenës, nëse e sheh të nevojshme, ka të drejtë të kërkojë ndihmën e Policisë së Shtetit për kryerjen e kontrollit të identitetit të personit të dyshuar për kryerjen e kundërvajtjes apo shkeljes së konstatuar.



Neni 19 **Procedura e konstatimit dhe shqyrtimit të kundërvajtjeve**

Struktura konstatuese konstaton kundërvajtjen dhe e shqyrton atë menjëherë në vendin e kryerjes së saj. Konstatimi dhe shqyrtimi i një kundërvajtje pasqyrohet në procesverbalin e kundërvajtjes, i cili përfshin, dënimin administrativ që jepet dhe sipas rastit shpërblimi dhe përlllogaritja e dëmit të shkaktuar. Procesverbali është akt administrativ. Përpara nënshkrimit të procesverbalit të konstatimit dhe vendosjes së gjobës punonjësi konstatues i shpjegon kundërvajtësit shkeljen faktike të kryer, bazën ligjore për konsiderimin e saj si kundërvajtje administrative dhe dënimin administrativ që zbatohet. Kundërvajtësit i jepet mundësia për të paraqitur, aty për aty, komentet dhe shpjegimet përkatëse. Procesverbali, si rregull, hartohet në prani të kundërvajtësit. Ai nënshkruhet nga punonjësi konstatues, kundërvajtësi dhe dëshmitarët e pranishëm, në rast se ka të tillë. Në rastet kur kundërvajtësi nuk është i pranishëm, refuzon të nënshkruajë, nuk mundet të nënshkruajë apo refuzon të marrë procesverbalin, punonjësi konstatues bën një shënim të posaçëm në procesverbal dhe e vërteton këtë fakt nëpërmjet të paktën një dëshmitari. Një kopje e procesverbalit i njoftohet kundërvajtësit nëpërmjet dorëzimit në vend. Në rastet kur kundërvajtësi refuzon të marrë kopjen e procesverbalit, ai konsiderohet i njoftuar. Në rastet kur kundërvajtësi nuk është i pranishëm, procesverbali njoftohet sipas dispozitave të Kodit të Procedurave Administrative. Dëshmitar, sipas pikës 4 të këtij neni, mund të jetë çdo person fizik me zotësi të plotë për të vepruar sipas përcaktimit të Kodit Civil, përfshirë këtu edhe një agjent tjetër konstatues.

Neni 19/1 **Vlerësim i shkaktimit të dëmit**

Nëse Drejtoria, konstaton shkaktim dëmi që vjen si pasojë e kundërvajtjes, vlerëson masën e dëmit dhe me një akt administrativ më vete, vendos shpërblimin e dëmit.

Përlllogaritja e dëmit të kryhet sipas kësaj formule: $Dm = TSDm \times KRb$

- $TSDm$ = totali i sendeve të dëmtuara;
- KRb = kosto për kthimin në gjendjen e mëparshme të sendit të dëmtuar

Kostot për rehabilitimin e sendeve të dëmtuara i vihen në dispozicion Drejtorise ZH.Ek dhe Menaxhimit financiar çdo 6 muaj nga Drejtoria e Sherbimeve Publike dhe UKR SH.A.

Neni 20 **Procesverbali dhe baza e të dhënave**

Modeli i procesverbalit për kundërvajtjen miratohet nga Kryetari i Bashkisë në përputhje me dispozitat e ligjit për kundërvajtjen administrative. Kryetari i Bashkisë, miraton rregullat për krijimin, administrimin të bazës së të dhënave për kundërvajtjet administrative, ku përfshihen, dhënësit e informacionit, ndërhyrjen me bazat e tjera të të dhënave dhe nivelin e aksesit në këtë bazë të dhënash.

Neni 21
Ankimi administrativ

Kundër procesverbalit nëpërmjet të cilit është vendosur sanksioni administrativ me gjobë mund të paraqitet ankimi administrativ në Komisionin e Apelit pranë Bashkisë Tepelenë, në përputhje me Kodin e Procedurave Administrative dhe aktet nënligjore të nxjerra nga këshilli bashkiak i Tepelenës apo kryetari i bashkisë së Tepelenës.

Në rast lënies në fuqi të dënimit, gjoba paguhet në afatin e caktuar në vendimin e komisionit të apelit, apo në mungesë të një parashikimi të tillë në çastin kur vendimi hyn në fuqi.

Neni 22
Zbatimi vullnetar

Gjobat paguhen vullnetarisht brenda 10 ditëve nga data kur ai bëhet gjoba bëhet e ekzekutueshme. Pas kalimit të afatit të parashikuar në pikën 1 të këtij neni, zbatohet një kamatëvonesë prej 2% (dy për qind) mbi masën e gjobës, për çdo ditë vonese. Shuma totale e kamatëvonesave nuk mund të tejkalojë masën e gjobës. Nëse gjoba paguhet vullnetarisht brenda 5 ditëve nga data kur ai bëhet i ekzekutueshëm sipas Kodit të Procedurës Administrative, aplikohet një zbritje prej 20% të masës të gjobës. Pagesa vullnetare e gjobës dhe ose/kamatëvonesa bëhet në llogarinë bankare të strukturës që ka vendosur sanksionin administrativ.

Neni 23
Ekzekutimi i dënimit për kundërvajtjen administrative, që parashikon dënimin me gjobë, si titull ekzekutiv

Vendimi për kundërvajtjen administrative, që parashikon dënimin me gjobë apo shpërblimin e dëmit, i vendosur nga strukturat kontestuese në zbatim të këtij vendimi përbëjnë titull ekzekutiv dhe ekzekutimi i tyre kryhet sipas legjislacionit në fuqi. Në rast se nga aktet ligjore e nënligjore nuk parashikohet ndryshe, Drejtoria e Taksave dhe Tatimeve Vendore është struktura përgjegjëse për arkëtimin dhe ekzekutimin e detyrueshëm të tyre. Të ardhurat nga gjobat dhe për kundërvajtjet dhe shpërblimin e dëmeve të parashikuara nga ky vendim, kalojnë tërësisht në buxhetin e Bashkisë së Tepelenës.

Neni 24
Procedurat e veprimit në rastin e kundërvajtjeve të tjera

Kur struktura konstatuese krijon dyshimin e arsyeshëm se një veprim ose mosveprim i një personi fizik ose juridik, përbën një kundërvajtje administrative, konstatimi dhe shqyrtimi i së cilës nuk është në kompetencën e saj dhe se nga ai veprim mund të shkaktohet një dëm i pariparueshëm dhe me pasoja të rënda ndaj interesit publik apo palëve të treta, për jetën apo shëndetin e njerëzve, kafshëve apo për mjedisin, punonjësi i strukturës konstatuese ka të drejtë të marrë masa për ndërprerjen e menjëhershme të veprimeve të kundërvajtjesit dhe të njoftojë organin përkatës për shkeljen e konstatua.

**KREU V
DISPOZITA TË FUNDIT**

Neni 25

Urdhrat dhe vendimet

Ngarkohet kryetari i Bashkisë së Tepelenës që brenda 30 ditëve nga hyrja në fuqi e këtij vendimi, të miratoj urdhrat dhe vendimet përkatëse në zbatim të këtij vendimi. Për zbatimin e këtij vendimi Kryetari i Bashkisë së Tepelenës miraton formularët përkatës që duhet të përdoren nga strukturat konstatuese të Bashkisë.

Neni 27

Strukturat që ngarkohen me zbatimin e vendimit

Ngarkohen Kryetari i Bashkisë, Drejtoria Juridike, Drejtoria e Taksave dhe Tarifave Vendore, Policia Bashkiake, si edhe çdo strukturë tjetër përgjegjëse, për zbatimin e këtij vendimi.
